

肉

卷

別

藏

斜川集
晁具茨先生詩集

江蘇古籍出版社

斜川集

江蘇古籍出版社



四庫未收書提要

擘經室外集卷三

斜川集六卷提要

宋蘇過撰案宋史本傳過有斜川集二十卷藝文志則云十卷書錄解題文獻通考卷數與藝文志同其書久已失傳世間行本大率因謝幼槃劉改之二人之名與叔黨同竄改集名聊以欺世據明王世貞奔州題跋則知以劉集充叔黨之書自元季已然真本散佚蓋已甚久王士禎香祖筆記記康熙乙酉有書賈以此集兩冊求售索直二百金惜未之見不知士禎所述者果屬真本否也乾隆朝仁和吳長元得舊

鈔殘本復從各書纂輯詩文若干其思子臺賦颺風
賦二篇見于本傳者從東坡集校補又益以宋文鑑
播芳大全所選者合之猶可成裘然竟未及鈔入四
庫全書深可惋惜茲從舊鈔本重加繕錄釐定詩文
六卷雖未能盡復舊觀亦庶幾可慰藝林之跂想矣

斜川集目錄

第一卷

古體詩七十六首

第二卷

古體詩三十七首

第三卷

今體詩一百七首

第四卷

賦二首

文十九首

第五卷

文三十二首

第六卷

文七首

斜川集卷第一

眉山蘇過叔黨撰

正月二十四日侍親游羅浮道院棲禪山寺

淡雲曉蕙龍野水清可揭山明草木秀百里見瑣細人
閒境愈靜地暖春先逝桃李已青枝落花空覆砌涼風
稍可愛習習來衣袂赤日雖未苦炎炎逼裘毳道人疑
有道羽服襟裳弊晨齋饗無煙含糗聊卒歲空堦指華
撥破屋緣薜荔拄杖挑笋蕨折柳樊蘭蕙居夷信何陋
即此可遁世敢師浴乎沂不數山陰楔人生行樂耳四
海皆兄弟何必懷故鄉吾駕隨所稅

人夢

草木異所稟甘苦分炎涼人夢獨中和羣樂敢雁行雖
微瞑眩力頗著難老方譬之古循吏有益初無傷安神
補五臟自使精魄強羅浮仙者居靈質不自藏移根植
膏壤極葉聚以長東南雖異產遼海誰能航誓將北歸
日從我入漢湘種之眉山陰得與伯仲嘗

枸杞

春槩擷新芽秋篚得紅實霜根釀我醪色味兩奇絕老
人鬢已絲處子何由得早佩斯人言百歲真瞬息今我
幸未衰妙藥況咫尺食前得珍蔬新釀掃故疾瘴海風

土惡地氣侵腰膝无髻或偃僂襁褓顏已黑西河安可
冀北歸願如昔區區摘蒼耳麤陋非所敵

次韻叔父浴罷

黃門昔萬機下士勤握沐今已與世疎雅志追沂浴丹
田有宿火如比陽來復轆轤自轉水離坎俱實腹請居
百事之惟喜薪水足時濯西風塵一寓歸鴻日勿驚髀
肉少衣褐真懷玉明鏡雖無垢新苗良待沃雨餘餐蕨
岫露重青松竹更觀雲入山心與境同熟適書如雨初晴雲入山林
珍重耆城言妙解何須讀潔香非外求清淨常返矚
物初信可游儻來非所卜益師莊叟言養主責緣督

次陶淵明正月五日游斜川韻

歲豐田野歡客子亦少休
糟牀有新注何事不出游
春雲翳薄日磻石俯清流
心目兩自閒醉眠不驚鷗
茅茨誰氏居雞鳴隔林邱
曳杖叩其門恐是沮溺儔
但苦鵲舌談爾汝不相酬
築室當爲鄰往來無憚不
澄江可寓目長嘯忘千憂
儻遂北海志餘事復何求

五色雀和大人韻

神雀來何從飛鳴自爲徒
尊卑有定分衆色敢亂未
與公作新年禮穰陋桃符
南遷不見鵬屢集升平鳥

柳仲郢每

達官必爲集升平第五日乃散
翩然自靈物豈惟春庭梧
年來翟公門

寂寞誰與娛瓜田豈故侯環堵真前儒雖知非天窮嶮
阻殆切膚海南夷獠窟安得此異離似爲三足使仙子
儼見呼定知隱凡人嗒焉非昔吾不願宴西瑤東華近
舊都

冬夜懷諸兄弟

霜風連日惡霜月連夜苦青燈寒無光翳翳昏復吐念
我手足愛相望若秦楚兩兄寄陽羨耕稼事農圃草瓢
有餘樂菽水未爲寡兩兄客潁川耿耿懷去魯近聞營
菟裘稍亦葺環堵有弟雖咫尺相違猶齟齬黃灣隔小
海孤嶺度大庾今年厄陳蔡夫子嗟兕虎惟我二兄弟

類亦嘗險阻憶昔居大梁共結慈明侶晨憲惟六人夜
榻到三鼓豈知聚散事翻手如雲雨我今處海南日與
漁樵伍黃茅蔽澗谷白露昏庭宇風高翔鷗臬月黑號
鼯鼠舟居雜螢螢卉服半□□下牀但藥餌遣瘴煩樽
俎何煩爲墮時方念平生語

次韻大人與藤守游東山

灘聲已悲秋澗色猶藏春駕言東山游緬彼千載人使
君平陽意客至但飲醇風松作鼓吹迎送長江濱爾來
乘桴翁歸路物色新高情寓箕顙紀意登麒麟三吳有
負郭穠樞秋盈困瘁茅喜欲脫下澤還當中縹緲九疑

行此生定知津故人儻見思尺書憑素鱗

將至五羊先寄伯達仲豫二兄

人皆有離別我別不忍道惟應付夢幻事已共一笑憶
昔與仲別秦淮匯秋潦相望一葉舟目斷飛鴻杳伯兄
陽羨來萬里踰煙嶠未溫白鶴席已錢羅浮曉江邊空
忍淚我亦肝腸繞崎嶇七年中雲海同浩渺豈知羌村
晚驚拜杜陵老干戈雖事異歡喜動口口山川舊悽慘
雲物今清好不似元都桃秋風不堪掃

送張倅彥政赴闕

信馬來并州并州在何許太行如登天憔悴欲誰語青

衫百僚底屏氣不敢吐謂當哭途窮何但折腰臂忽逢

元紫芝仰視得眉宇敢論通家舊竊欲比文舉

先君與叔父嘗

得交於公之王父蓋有一日之雅

使君況不凡高論傾肺腑能容丞掾醉

不問車茵污念我邱壑人老矣事簪組端知赴縲囚坐

受獄吏侮感公懷抱開一笑忘薪旅雖知抱關惡未忍

賦歸去相從僅滿歲公已歌秋杜秋風忽零亂吹盡西

山雨定應催行色不遣車輪阻天街早飛鞚鷓鴣看接

武育雲豈難到少展垂天羽區區亦自憐從此歸農圃

郡守禱雨獲應

秋陽六十日閔閔歲可懼原田龜坼塊城市塵沒屨誰

歎悲若人活彼於旦暮精禋發仁惻誠意輒上訴神山
閔靈湫水旱天所付潛虬嫺廢職暴虎往闕怒抑無束
海冤又豈桑羊蠹天心自饗荅民語酌道路嗟予生理
拙飢飽共農圃披衣夜不眠聽此簷間語沈疴忽去體
黃壤流膏乳少寬縣令責盡復南畝故呼兒酌我酒欲
寫無佳句聊同千里謠非公誰與哺

再和

吾君如湯仁常爲無災懼一夫恐不獲貿貿悲輯屨二
斗東南憂詔書走晨暮陳陳發困廩粒食不待訴知公
經綸手故以民社付汪然叔度彼不見偉節懿德星所

臨次民瘼消朽蠹祝祠往無愧飛雨來半路耕犁及二
麥浸灌休老圃何人執筆書爲瑞非虛語應言潁川鳳
未要猫相乳益欣獄訟少三尺略細故丞掾從歌呼謳
謠入章句謝公未賦歸赤子猶待哺

題劉均國所藏燕公山水圖

江湖半此生老去徒見畫看山眼已足涉險夢猶怕老
燕久黃壤遺墨獨未化胸中有邱壑故遣意匠寫會逢
知音人契此筆端話故山當早歸誰是知津者

顏樂堂

恨無阿堵君一區今尚欠且謀蔽風雨拔草聊自苦低

深人易安儉陋鬼不瞰寧辭力少勞還視家無顧從來
生理拙況此歲屢歉故將草瓢心聊作梁肉砭堂前有
甘井汲取良未厭堂後有藥苗一飽亦可楚胡爲不歡
樂何事貧憂謫作詩置座右勿使斯言玷

與范箕叟避暑西湖

快哉楚王風庶人安得共西陂浩無價不計吾儕用永
日不可暮窮居壓塵闕出門有佳詣咫尺窺潭洞危樓
俯木杪大厦森高棟戶牖交梧楸蒲荷接蘋蓴間持枕
簟往遽起江湖夢醒然涼肺肝習習吹衣動世閒賤易
得清風誰與重勞生不自覺至樂那容衆北窗與君享